

محراب

اقتصادی ، اجتماعی ، فلسفی ، تاریخی ، ادبی مجموعہ در

شیمیدیلک اون بش کونده نشر اولنور

مقدمہ جات

- اسلام « ادوار مونتہ » . ۱ . **ایچا یلین و طین ییلین** م . شکیب **۲۴۹**
- عاصی « اجتماعی حکایہ » **سکین مرید و خورشید** جامی **۲۴۷**
- عبدالحق حامدک بکک غیر منتشر مکتوبلری **ذلیل خالد** **۲۴۶**
- اوقاف بر نظرم « افغانستان » **عبدالرشید ابراہیم** **۲۴۵**
- وضوح سزلق « الہیات فا کولتہ سی مناسبیلہ » **محمد علی عینی** **۲۴۴**
- اورتا آسیادہ تورکمن « تورکمنلرک دینی » **ہلمی ضیا** **۲۴۳**
- شیخ سہروردی حیاتنک صوکلرندہ **یوسف ضیا** **۲۴۲**
- حی بن یقظان « ابن طفیلک فلسفی رومان » **رشید** **۲۴۱**

سراب : قدربہ حسین — **شرق** : ملیحہ نوری — **غزل** : روحی — **غزل** : جمیل رافت —
یگی نثریات ، قرآن ترجمہ لری ، آنادولی مجموعہ سی : شرف کاظم . **۲۴۰**

شہزادہ ہاشمی : اوقاف مطبعہ سی

۱۹۲۴ — ۱۳۴۰

صوان الحکمة نك مختصری - که سهروردی به معاصر بر اثر در - و اوکا افترا ایتدیلر، نبوت ادعا ایتدی دیورلردی، دیور دیمک که مسئله بستیون باشقه بر شکل اکتساب ایدیور .

سیف الدین آمدی ایله شیخ سهروردینک ملاقاتنده جریان ایدن محاوره ده شایان دقتدر . وفیات الاعیانه و سائر آثارده بو محاوره شو صورتله نقل ایدیور : سیف الدین آمدی دیور که سهروردی ایله حلبده کوروشدم بکا « البت بن روی ارضه صاحب وجهانه پادشاه و مالک اولاجم » دیدی دلیلک نه در دیجه : « عالم معناده کنیدی بتون دربانک صوینی ایچمش کوردم . » جوانی ویردی نیجه بو رؤیا دریای فضیلتکنزک آفاقی استیلا و عالمه انتشار ایده جکنه اشارتدر دبدم سوزمی دیکله مدی و فکرندن رجوع ایتدی بن او آدمی عامی چوق عقلی آز کوردم .

سیف الدین آمدی اعظم علما و فلاسفه دندر آثاری امهات کتبدن معدوددر شهه سز موثوق الکلمدر سهروردیدن نقل ایتدیکی بوسوزلر ایسه تهلیکلی و هضمی مشکل شیردر بناء علیه سهروردینک یالکز سبب قلی آراشدیرمق ایچون دکل، بالذات کنیدیسنی ایجه طائمه اولمق ایچون ایچ یوزینی قاریشدیرمق لازمدر .

یوسف ضیا

فلسفی رومانه

حی بن یقظان

و بوتون احسامی جسم اولمق حیثیتندن دکل ؛ خواصی مستلزم و بعضیلرینی بعضیلرندن تفریق و تمیز ایدن صورتلری حامل اولمق حیثیتندن تفتیش و تفحص ایتکی اشبو غایهیه وصول ایچون مبدأ حرکت اتخاذا ایلدی کافه سنی برر برر استقرا و ذهنتده احضار ایلدی و کافه سنی مبدأ آثار اولان برچوق صورتده متحد بولدی و برقسمنده اوصورتلردن ماعدا کندوسنه مخصوص اولان افعال و آثاره مبدأ اولان بر صورت دها بولدی و بشقه بر قسمی برنجی و ایکنجی صورتلرده برنجی قسمه شریک اولماقه برابر کندوسنه مخصوص افعال و آثاره منشأ اولمق اوزره بر اوچنجی صورت دها بولدی نته کیم طوبراقلر، طاشلر، معدنلر، اوتلر، حیوانلر و سائر اجسام ثقیله نك کافه سنی بر جمله واحد دن عبارت و هپسی بر صورت

واحدده مشترکدر لر که نزولدن بر مانع منع ایتماک شرطیله اوسورت واسطه سیله جهت سفله حرکت ایدر لر شاید قسری اوله رق جهت علوه طوغری تحریک اولندقدن صو کرا حالی اوزره براقیلیرسه حامل اولدقلری صورت واسطه سیله اشاغی به طوغری ایدیوردر لر . بو جهله دن بر قسم اولان نبات ایله حیوان ؛ نقیل اولمقی و جهت سفله میل ایتماکی مستلزم اولان صورتده مذکور جهله نك اقسام سائر سیله متحد ایسه ده تغذی و نمو مستلزم اولان دیگر صورتلرده اولنردن ایریلر لر [۱]

بو ایکی فعل بوتون نباتات و حیواناتده موجوددر و هر ایکیسی نباتات و حیوانات آراسنده مشترک و نفس تعبیریه افاده اولنان صورتدن صادر اولملر درر . اشبو فرقه دن حیوان قسمی ؛ برنجی قسمله برنجی و ایکنجی صورتلرده شریک اولمقله برابر حس و حرکتیه منشأ اوله جق اوچنجی بر صورت واسطه سیله برنجی قسمدن آیریلیر .

بونک اوزرینه انواع حیواناتک هر برینه مخصوص دیگر نوعلردن متمیز اولمسنه سبب برر خاصه اولدیغی و او خاصه نك دخی سائر انواع حیواناتله مشترک اولان صورتدن فضله اوله رک کندوسنه مخصوص بر فصل ممیزدن صادر اولدیغی انواع نباتاتک دخی بویه بر فصل ممیزله بر برندن آیرلدیغی کوردی .

بو نظریه لردن عالم کون و فسادده موجود اولان بالجه اجسام محسوسه نك بر قسمی جسمیت معناسندن فضله اوله رق بر چوق معانی دن و بر قسمی دها آز معنالردن مرکب برر حقیقت اولدیغی و اجزاسی اک آز اولانی آکلامق اجزاسی جوق اولانلری آکلامقدن دها قولای اولدیغی آکلادی بناء علیه هر شیدن اول حقیقی اک آز اشیادن ترکیب ایدنی آکلامق ایسته دی .

حیوانات ایله نباتاتک افعال کثیره سی دولایسیله حقیقتلری اشیای کثیره دن ترکیب

[۱] تغذی ایچون اوج قوت وارددر . بولر ، جاذبه ، هاضمه ، غاذیه در قوه جاذبه طعام و شرابی هضمیه ایصال ایدن قوتدر . قوه هاضمه — ینیلان طعامی ، ایچیلن شرابی معدهیه واصل اولدقدن صوکره آکلدن جزؤ اولقی ایچون استعداد تام ایله مستعد قیلان قوتدر . قوه غاذیه — قوه هاضمه واسطه سیله استعدادک حد کالنه واصل اولان غذای ، مقتدینک شخصی حفظ مقدارینی تکمیل ایچون وجودندن انحلال ایدن اجزاتک یرینی دولدیرمقی ایچون مقتدینک جوهرینه مشاکل جزؤله استحاله ایتدیرن قوتدر . نمو : قوه نامیه واسطه سیله تناسب ظیمیه موافق صورتده وجودک ابعاد ثلثه سنده عاجز الری اراسته کیرن غذا ایله بویومک و فضله لشمقدردر . « ابن الطیفیک کندی حاشیه سندن ترجمه . »

ایستدکاری چون انلری تفحص ایتکی صکره یه بر اقدی اجزاء ارضیه نك ده بر قسمی بر قسمندن
دها بسط کوزدیکه چون اك بسط بوله بیلدیکنی تدقیقه قویولدی صویك افعالی از اولق
دولایسیله ترکیب ایلدیکنی اجزائك آز اولدیغنی آکلادی . آتشی هوایی دخی بویله کوردی .
اولجه ایشو دوت شیدن بر قسمتك بر قسمنه استحاله ایده چکنه دردینك آراسنده
جسمیتدن عبارت اولان مشترک بر معنی موجود اولدیغنه و او معنائك شودرت شیتی بر بردن
فرق وتمیزه مدار ارلان معانی سارمندن خالی برشی اولمسی واجب اوله جغنه ظن حاصل
ایتمشیدی اومعنی ، معانی سارمندن مجرد ایدمجه نه علوه نه ده سقله حرکت ایتیمور .

رشم

- بیتمه دی -

یکی نشریات و آناتولی مجموعه سی

صوك كونلرده عرفان حیاتمك بوشقلرینی دولدورمقی احتیاجیه بر چوق اثرلك موقع انتشاره
چیقدیغنی کوریورز .

بونلرک بر قسمی آتی ایچون پرامید اولدینی حالده بعضیلری مع الاصف یأس آوردر .
هوسکاران علم و عرفانی مایوس ایدن نشریاتك « قرآن ترجمه لری » اولدیغنی سویلکه لزوم
یوق . بو ترجمه لر اوتهدنبری یومی غزته لرده یالیزلی اعلانلره ده قلام ایدله سنه رغماً هر کسده درین
بر انکسار خیال تولید ایتدی . زراعتده ، هندسه ده حقوقده و یا علوم غیبیه ده اختصاصی اولانلرک
صلاحیتدار اولمادقلری بو مهم موضوعه تماس ایتله لری حقیقه غریبدر . و بو حال محیط علمیمز ایچون
چوق آجیقلی بر وضعیتدر . بوسقوطه قارشی بزه تسلی و امید ویره ن یی نشریاتدر بونلر ایچنده
آنادولی مجموعه سی بالخاصه بریلدیز کبی افق عرفانمزه اخذ موقع ایتدی بوقیمتلی مجموعه ده بوکونکی
علمی احتیاجلری تطمین ایتك ایچون درین بر عشق مساعی وار . دارالفنونك قیمتلی مدرسلرندن ماعدا
کنج متبعلریمك باکر موضوعلر اوزرنده بکی تدقیقلرینی چوق دکرلی بولوق . آنادولو عرفی
ودستانلری سرلوحه سی ایله یازیلان مقاله محیط علمیمزه ایلک تماس ایدیلن قیمتلی بر موضوع
اولدینی کبی ملی تاریخیمك اسمی ، شعرلینه نظر اکوهری ، « لادیک » لی محمد افندی مقاله لرنده ده
یکی اصوللره و یکی فکرلره مصادف اولوق . افتخزده اك زیاده موده ، فانتازی مجموعه لرینه مزاحی
غزته لره قیمت ویرلدیکی بر زمانده کنج آرقاداشلریمك یالکز علم وصنعت عشقیله بویله فدا کارلقلره
کوکس کر مه لری چوق شایان تقدیردر . مع الاصف بر رفیقمنز آنادولو مجموعه سنك بو مکملیتی
چکه میهرک قدرناشناسلقده بولونمشدر . رفیقلریمزدن بومملکتده علم هوسنی ، چالیشمقی عشقنی او یاندیرمالرینی
ویکدیکرینه مظاهر اولمالرینی بکلرز .

شرف لایم

بز بو اصیل مجموعه یی صمیمتله تقدیر ایدر و موفقیتلر تمنی ایدرز .

مدیر مسئول : آکام مظلوم